

Beatus enim auctor id unice operam dedit, tota mente, omnique animi contentione, propitia DEI gratia, talem ut efficeret Theologiae candidatum, qualem diuus gentium apostolus Tit. I, 9. postulat. Eum nempe, qui et salutarem tradere doctrinam posset, et aduersariorum tela retundere, a quibus nullum salutaris doctrinae caput intemeratum relinquitur. Praelegit uero has doctrinas, anno cIo Ioc XCIII. in usum paucorum ministerii sacri candidatorum, easdemque, prouti exhibentur, omnes, non uoce sola, quae audita, uel facile perit, uel minus recte percipitur, tradere, sed, ad uerbum, syllabatimque dictare, consueuit. De ratione instituti, modoque tractandi paucis quidem, uerum neruose satis egit auctor ipse pag. 1. et 2. Hoc autem nobis maximae fuisse curae, tibi persuadeas, uelim, ut nihil usquam a mente FECHTIANA alienum, in res non minus, quam uerba, irreperet. Gemino usi sumus exemplari,